

四庫全書

集部

欽定四庫全書

石倉歷代詩選卷三百二十八

明 曹學佺 編

明詩初集四十八

王燧

送別

綠水灩汀洲  
風起江南秋  
煙波有孤客  
關河生遠愁  
遠愁那足說  
惜此芳華歇  
日暮淡忘歸  
蘋花悵難擷

修竹美人圖

蘭膏香膩盤雲綠  
愁鎖春山黛痕蹙  
天寒日暮悄無言  
翠袖盈盈倚修竹  
修竹無心亦有情  
竹花結實珠繁榮  
秦樓人去彩鸞杳  
湘江種得相思成  
相思有種何時歇  
竹上年年怨離別  
千古魂銷怨不銷  
淚紅染作鴛鴦血  
和高季迪將進酒

君不見雲中月清光乍圓還又缺  
君不見枝上花容華不久落塵沙  
一生一死人皆有綠髮朱顏豈能久  
樽前

但使酒如渑肘後何須印懸斗咸陽黃犬悔已遲至今  
千載令人嗤試看古來功業士何如陌上冶遊兒百年  
飄忽寄宇內日日歡娛能幾歲勸君莫惜囊中金便赴  
生前當買醉臨邛壚頭綠蟻香柳花捲雪春茫茫吳姬  
越女嬌相向痛飲須盡三千觴興來狂笑縱所適慎勿  
畏他權貴客東風吹落頭上巾此日獨醒端可惜一朝  
綺羅生網塵粧樓空鎖青娥人酒星不照九泉下孤鳥  
長吟山花春

湘竹簫歌

君家洞簫天下奇，碎紅亂點香淋漓。  
濃如丹砂沁冰肌，淡似猩血封瓊枝。  
持來世人莫能識，疑是秦女來相貽。  
幾回吹向霜江曉，皎月不明風悄悄。  
一聲捲入碧雲中，驚散飛鴻落天表。  
君不見重華去兮歸路遙，二妃泣向  
湘江臯。江臯之竹竹間淚，萬古千年長不消。  
我將挾君携此同，上黃鶴樓醉弄一曲離鸞秋。  
曲終飛度洞庭去，試聽蒼梧猿夜愁。

春曉美人圖

梨花球上雞鳴早十二瓊樓天乍曉東風不動綠楊絲  
雲母窗空春悄悄銀屏複帳掩鮫綃遮斷蓬山海路遙  
鬢亂釵橫雙鳳觥玻璃枕上不勝嬌誰將鸚鵡偷調弄  
驚散瑤臺合歡夢金盤仙掌日華高小苑花枝露痕重  
小玉熏殘蘇合香臨鸞先學理新粧含情欲起嬌無力  
滿苑綠陰清晝長

題畫

疎煙帶平野閑花落空林雞聲在何許人家春樹陰將  
尋丘中侶諧此塵外心幽期倘云遂寧惜露沾襟

新秋早朝

宮井梧桐一葉飛新涼先到侍臣衣蒼龍闕上銀河轉  
丹鳳樓頭玉漏稀曉仗分行環御輦夕郎鳴珮出仙闈  
自憐虎觀叨陪從簪筆慙無補萬幾

左掖聞鶯和鄭孟宣助教

落絮飛花滿禁城萬年枝上一鶯鳴全非幽谷間關調

總是東風宛轉情  
啼處尚含求友思  
斷時猶帶惜春情  
朝回左掖門前聽  
却訝簫韶奏九成

送太平劉知府復任

錦繡江山拱帝畿  
先皇曾此駐龍旗  
三年出守勞臣績  
再命專城遇主知  
桑柘千村豐庶日  
歌鐘萬戶太平時  
送君重去宣王化  
明世誰論治繭絲

送鄭尚書致仕

重沐天恩典禮闈  
旋因賜告遂初衣  
先朝故老今誰在

十世同居古亦稀  
淶水蘭舟江上發  
秋風華髮浦陽歸  
懸知戀闕情應甚  
夜夜山中夢紫微

客懷

零落棲遲一病人  
鶯花正遇帝城春  
途窮不肖輕垂淚  
道在長甘固守貧  
陋巷草深前夜雨  
空齋甌掩昨宵塵  
杜陵何事真愚拙  
却欲虞廷自許身

其二

縫掖誰云是舊衣  
故山終負採春薇  
時清懶上王通策

病久常閒。董子惟寰宇，載逢新節。至江湖終覺，故人稀。  
半生多少關心事，空學莊生蝶夢飛。

瓜州道中

清江杳杳水連空。江北江南綠映紅。三月異鄉逢換火，  
經春遊子怨飄蓬。滿汀蘆葉孤舟雨，一樹梨花小旆風。  
遙望故山何處是，依稀煙樹五湖東。

早朝待漏題楊諭德竹

禁鐘纔動曉風微。新竹疎疎對瑣闥。非是日高簾不捲，

怕教空翠濕朝衣

題畫

渡頭初唱采菱歌  
南浦西風漲綠波  
正是晚涼新雨後  
青山不似白雲多

題方壺畫

紫府深沉白晝閒  
仙人歸去邈難攀  
當時暫謫來塵世  
寫徧江南雨後山

題天師竹

上清仙子晉風流愛竹還同王子猷  
寫得一枝清似玉  
湘濱露冷夜來秋

林塘佳趣

自脫荷衣別五湖  
秋風幾度惜蓴鱸  
玉堂酒醒青綾薄  
空憶林塘舊釣徒

題竹贈別呂希暘從役

露莎煙草滿晴川  
罷釣歸來暫泊船  
非是野情忘世事  
閒愁不到白鷗邊

題倪元鎮畫荆溪清遠圖

銅官山下縱清遊，每為殄松十日留。  
吹斷玉簫人去久，暮雲空鎖洞庭秋。

其二

清閬高人一散仙，常留遺墨世間傳。  
當時曾寫相思意，誰信如今重惘然。

漁村

汀葦蒼蒼白露凝，一灘寒月未收罾。  
西風吹醒江南夢。

四壁蛩聲半夜燈

山行

蘿蔦陰中是幾家  
青山數轉到門斜  
桃源祇在鷄聲裏  
不用緣溪認落花

附張洪

字宗海  
吳人

悼貞婦

嗚嗚赴行役  
肅肅成謝功  
婦女既有歸  
雞犬亦相從  
寧辭道路遠  
萬里來黔中  
邊城尚艱食  
太倉乏陳紅  
婦人

在中饋何以能尸饗良人漸黧黑慘淡筋力窮常恐卧  
溝壑妾身何所終苟能事一飯豈惜膏沐容避人剪髻  
鬟易米羞晨供良人久驚訝覩我顏色同窮辭訊衷曲  
裹頭雲鬢空欹歔不下箸淚點微沾胸入恠久不出引  
脰經房櫳仰呼不到天洒淚不及泉義當死生共恩始  
夫婦全亭亭朱絲繩梁上乃雙懸小哉匹夫諒妄昧不  
足言念爾貞潔姿前後金石堅食貧勵茲節見義恐不  
前婦道久不聞良心鬱未宣孰知蠻貊地起世洵獨賢

古東門行送別金彥貞

僕夫顧我悲轅馬跼不行古來離別地青草不復生居  
人攀桃李悵望難為情流塵起阡陌遠樹花冥冥莫向  
秦東亭唱此東門行土中有死骨聞之復心驚食荼莫  
言苦飲醢莫言酸世間萬事易惟有別離難既辭還執  
袂臨行復據鞍對面相寬解回頭涕已瀾人生誰非客  
何獨此哀嘆但令長壽考相報各平安

謁黔寧王廟

曾聆玉帳肅徽音俯仰清祠感慨深客袂尚餘他日淚  
羈懷不改舊時心耳聞種竹都成玉眼看栽松盡作林  
每歲騎箕滇海上手分雲液散甘霖

答俞都御史海上見寄二首

舳艫相接恨離居音問那堪咫尺疎見月思君因自切  
看雲憶我定何如李膺舟楫神仙侶博望星辰太史書  
歸去客懷同一洗賀家湖上醉紅蕖

其二

渺渺秋槎海上還，洞簫吹月過三山。  
九霜風露蓬壺外，萬頃波濤祗席間。  
地盡西南開帝域，星環北極想天顏。  
夜闌五色雲光近，回首扶桑不可扳。

附偶桓

字武孟，太倉州人。

雜詩

衡茅日岑寂，嘉樹生繁陰。  
夙興挹朝爽，脩然澄我心。  
如彼倦飛鳥，冀得棲故林。  
抱經味遺言，且復理鳴琴。  
惜哉鍾子歿，曠世誰知音。

又

養疴卧丘樊庶得脫塵鞅三徑日就荒行樂倦還往荆  
榛既蕃蕪荼蓼亦滋長幽蘭獨憔悴况復纏草莽不因  
馨香發豈獲君子賞

歲暮

忽忽歲云暮朔風吹客衣雖云鄉井近轉覺信音稀山  
響颼颼嘯江空鸛鶴飛百年渾潦到底事未能歸

送陳民初先生歸廣州兼問訊趙知事公傑

靜江遙帶五羊城官舸乘風畫鷁輕客館鄉人秋送別  
高齋弟子日相迎桃榔接葉蠻煙暗螺蚌含珠海月明  
到郡為詢賢贊府幾時鞍馬定朝京

其二

執簡立臺端百壬不敢噫道遠竟莫前動若飛翮鍛歲  
月無停輒季秋倏已屆籬菊傍雲肥江山日如畫軒車  
幾時來夜雨一燈掛明德正可崇相期各云勵

附呂淵

字希顏  
常熟人

和童僉憲士昂詠雪

隆冬氣凜冽朔風布威嚴同雲糊正密六出漸飛添紛  
紛花絮雜片片瓊玉兼高堆瓦將覆亂落塵不沾碧雞  
沒孤喙金馬埋雙尖皎潔炫晴瀑虛明奪夜蟾梅枝飄  
素粉竹葉懸牙籤灞橋詩助思錦帳酒傷廉玉花輕入  
慢水柱細垂檐自聞謝女詠翻似織成緜

萬竿煙雨圖為童僉憲賦

君不聞淇水隈煙籠萬箇綠猗猗又不聞湘江曲雨過

千竿齊挺玉淇峯湘流各一方遙遙相隔千里長君胡  
巧將縮地訣併作無邊煙雨鄉鷓鴣聲近黃陵廟山接  
九疑猿夜叫少年曾記畫船輕百詠新詩隨口道今日  
看圖憶少年老懷衰髻兩茫然總有琅玕可人景愧無  
珠玉驚人篇聞君愛竹幾成癖沙土南金灰白壁閒來  
酣聽戛鏗鳴靜裏飽觀蒼翠色君兮君兮聽我歌江上  
年年風雨多竹花零落碧雲冷奈爾鳳饑無食何

連雲嘆

連雲棧道如升天千山萬山相盤旋上有古今不伐之  
老檜下有晝夜不息之飛泉林深未知清晝永但聞百  
鳥相和巧出音綿綿鷓鴣之語人共識分明似訴行不  
得客懷聞此倍感傷駐馬看雲長嘆息雞頭關前山最  
高我馬已痛僕亦勞懸崖萬丈陡壁立俯瞰羣嶺同兒  
曹烏龍江裏濤聲惡日日轟雷慘寒骨奔流直與滄海  
通勢自天成非禹鑿我來對此心茫然便欲解綬思歸  
田乃知王事未可緩行行且誦皇華篇皇華四牡歌再

續上德未宣懷靡足何當兩腋生羽翰頃刻搏風到西蜀

題曹僉憲三茅山水圖

三茅山水何奇哉形勝彷彿東蓬萊山峯高聳彩雲表  
水道近接滄江隈四時景物多佳致一入春來更明媚  
楊柳輕垂翠帶長杏花艷吐胭脂麗松梧竹木交加新  
梵王宮殿高嶙峋峩峩寶剎矗天際小小畫船撐水濱  
鄉村遠近多茅屋朝出耕兮夜歸讀谿畔時逢訪友人

林間數遇携琴僕青帘搖颺酒家前一行飛鳥來青天  
眼中總是吟哦具意外了無塵俗牽曹公於此築居第  
子孫繩繩習詩禮科甲相傳繼後先簪纓奕葉光閭里  
一從出仕趨金門十載思家勞夢魂閩山路隔無飛雁  
滇海宵深感斷猿邇來忽得唐王宰故里畫圖隨筆灑  
新花新樹景還同舊水舊山形不改看圖對景情依依  
飄然便欲抽簪歸却憶君恩未能報撫卷盡日徒歎歎  
竭來索我題長句我亦三茅隣近住何當與子賦歸歟

同老林泉最清處

題李侍御山水圖

山色滿郊原幽深隔市喧孤舟橫古渡荒徑掩衡門野  
樹煙光薄溪橋曙色分依稀故園景吟對欲銷魂

春陵道中

蚤發瀟南驛晨光尚未明山橫疑水斷灘急訝舟輕茅  
屋稀疎見筒車遠近鳴民安邊患息千里樂巡行

贈徐憲副西還

江水碧於苔歸舟不捨開夢緣情易得愁為別難栽樹  
色迎征旆花香沁酒杯到家秋欲近松菊共徘徊

茶坪

茶坪春雨後舊幹發新茸雀舌微含翠龍芽淺著紅小  
筐和露摘疎筐帶煙燻汲水時烹啜清生兩腋風

送張都督至陝西遇陳同寅金

近捧綸音迎使臣馬蹄三月到西秦一春獨詠無佳句  
千里相逢有故人夜雨郊原芳草合東風庭院落花新

相看莫怠咨詢職盛世青年好致身

入連雲棧

棧閣難行說與君來遊方信峻連雲江從鳥道聲偏急  
山到雞關勢漸分嵐氣漲空朝靄隼林陰蔽日晝氤氲  
吟邊忽動鄉關思風雨猿聲不可聞

川江夜雨憶近侍諸同年

西風吹雨夜瀟瀟獨卧舟中正寂寥聲滴蓬窗孤夢破  
寒生衾枕旅魂銷黃牛廟古灘聲急白馬江空木葉凋

遙憶同年諸近侍金門斜月正趨朝

和黃繡衣忠清堂韻

黃甲高標賜出身一官今喜立通津  
讜言曾落將軍膽直氣仍埋御史輪  
葵莠寸心常向日梅花清骨不沾塵  
少年更際平成會封事還看達紫宸

武攸道中懷諸同寅

千里巡行屬暮秋宦情羈思兩悠悠  
安邊愧乏班生畧戀闕空懷杜甫憂  
月夜聞猿尋野寺霜晨策馬度林丘

相知若慰驅馳苦珠玉何妨每見投

留別貴州吳總戎

壯年曾憶叙邊城今日相看鬢已更歎曲幾巡新漉酒  
殷勤一段舊交情柳營近拜將軍命薇省仍叨岳伯名  
明日又成千里別滇南回首暮雲橫

城西別墅為素軒錢公作

滇南城外路西分水繞山回秀作紋楊柳四堤張翠幄  
稻梁千頃布黃雲渠通澤國鷗頻入地近仙家犬不聞

幾度叨陪清宴樂却疑身世遠塵氛

題鎮江多景樓

獨倚危樓眼界寬無邊風景恣盤桓  
四圍花木如屏擁千里江山入畫看  
帆破晚煙歸別浦雁拖秋色下空灘  
來今往古詩何限景物難窮思易闌

淮河晚泊

乘輅千里戴君恩舟抵淮河日已昏  
萬井人家城外市幾行煙樹水邊村  
鐘鳴蘭若僧歸渡犬吠茅簷客到門

撫枕篷窗不成寐滿懷離思向誰論

金陵酒興

奉使南行屬暮秋長途千里去悠悠青山滿眼遍京口  
畫舫連檣遮石頭撫景信知天地客感懷無奈古今愁  
一尊且作簪纓會痛飲厭厭夜不休

楚水吟懷

楚江秋晚淨無埃五兩高懸畫鷁開落日亭亭催客去  
青山隱隱送詩來月臨湘水猿聲斷雲冷衡陽雁影回

佳句入囊珠玉舊客邊誰與共敲推

洞庭夜月

洞庭湖外岳陽城景到秋深月倍明  
金躍浮光風欲定  
壁沈千影浪初平  
君山隱隱連雲氣  
湘水悠悠到雁聲  
遙想登樓清興足  
倒騎黃鶴去吹笙

湘江煙雨

瀟湘兩岸樹糝糊  
煙雨霏微似畫圖  
鴻雁影斜風正急  
鷓鴣聲斷日將晡  
帆從青草湖邊落  
酒向黃陵廟下沽

無限淒涼禁不得幾回回首望神都

貴陽山色

貴陽山色最清幽客裏看山信馬遊  
蛾黛千層朝雨過螺青一抹暮雲收  
人家結屋連村住澗水浮花遶郭流  
佳興滿懷清可掬詩成頻向錦囊投

繡衣郭公詢知郡博高君善誨諸生畧無責報  
之意因大書仁壽二字嘉之予賦一律用張  
其美云

侍御多能筆似椽特書仁壽為君賢吳興遺教尊胡瑗  
太學諸生仰鄭虔蠶飯每甘心有樂束脩頻却橐無錢  
願言終始全清節應享聲名過百年

過常德留別李總兵

不覩芝眉二十年相思每誦寄來箋經行正擬懼連日  
往返那期恨一天白髮無情催我老青雲有路讓君先  
明春尚得趨朝便宵約歌呼醉畫船

松島春雲

攬秀軒  
八景

積石移松蒲戶庭春雲飛繞似林垆日烘瑞彩香盈盎  
雨濕濃陰翠滿屏三徑飄揚迷鶴夢半岩舒卷帶龍腥  
呼童淨掃窗前影自起揮鏡斲伏苓

荷池夏雨

新鑿荷池引水通雨深花滿趣無窮盤傾珠顆齊翻翠  
衣露霞綃半折紅四座涼生風細細一簾香沁霧濛濛  
此中清景真堪賞何必移家住瀛東

林亭翫月

林亭明月趣偏嘉知是滇南好事家一片寒光清屬影  
十分秋色瑩無瑕翠盤香露翻金粟荷蓋西風老桂花  
恍似水晶宮殿裏幾回忘却在天涯

雪屋焚香

吟窩新結小崆峒靜爇名香趣不窮四壁晴雲生夜白  
一星溫火吐春紅水晶簾靜詩魂爽銀葉爐深鼻觀通  
睡起只疑春色暮滿簾飛絮月朦朧

草砌鋪茵

東風芳草正芊芊  
匝砌鋪茵亦可憐  
疊翠不當車馬徑  
生香偏近綺羅筵  
蒙茸雅稱遊人坐  
蔥蒨猶宜醉客眠  
想見明公行樂處  
只疑身在碧雲邊

花臺簇繡

春滿亭臺日乍長  
百花开遍闕新粧  
錦屏高映秋千索  
金縷深圍蹴鞠場  
幾陣輕風嬌弄影  
一番微雨細生香  
東翁最喜留賓醉  
更爇銀燈看海棠

太華來青

排空高挿淨無埃萬朵芙蓉暎日開  
柱笏嵐光和露滴  
卷簾晴翠撲人來地連金馬峯  
聳勢壓青螺宛轉回  
我欲題詩最高處凌風飛上紫霞堆

商山聳翠

重重秀色翠模糊展到天邊一畫圖  
瀑布喜看飛壑瀉  
盪胸時見斷雲孤千尋玉柱排青笋  
九疊金屏上錦蕪  
最愛初經風雨後滿林香霧亂禽呼

題小景

綠樹橋頭路轉迴  
水光山色映樓臺  
扁舟蕩入荷花裏  
知是遊人避雨來

題便面

碧天如洗月團圓  
露滴松梢夜氣寒  
記得畫船經赤壁  
酒醒詩就倚篷看

題宋徽宗瀟湘鵲鴿圖

御墨淋漓玉數枝  
畫圖瀟洒使人悲  
春風鵲鴿湘江景  
不似龍沙夜雪時

附顧祿

字謹中  
華亭人

夜宿郭道士山房

珠宮夜無喧，瀟灑絕壁下。  
天高露氣澄，溪淨月光瀉。  
孤吟虛館秋，獨宿空山夜。  
何當謝九塵，笙鶴擁高駕。

雲巢歌為陳煥文賦

我本雲間人，夙契雲山緣。  
聞公巢雲處，愛作雲巢篇。  
公家雲巢在何許？會覩秀出雲海邊。  
山頭日月白雲起，雲峰萬朵浮青蓮。  
山人結屋入雲去，置身直上雲松巔。  
雲

蘿千尺覆戶外檻下百道來雲泉雲翁住其下日與雲  
周旋或携雲鶴遊或伴雲龍眠飡雲英兮漱雲液被雲  
衣兮駕雲輶有時看雲發高詠落筆往往凌雲煙浮雲  
世事豈能絆蕭散自是雲中仙我欲乘雲走相覓雲路  
峻絕難蚤緣爾來山人棄雲出我今亦是青雲客雲騎  
橋南古汴津一笑相逢雲水白問公別雲今幾年側身  
東望雲茫然又掛雲帆拂滄海歸去自種雲中田

次韻夜泊

海近潮初上江清天倒流故鄉頻入夢此地獨維舟落  
雁沉霜鏡潛魚避月鉤不眠催早發歷歷數更籌


秋夜

一寒一暑相推移四序平分秋最悲山川蕭條草木萎  
金風淅瀝吹羅帷夜何長兮晝何促欲眠不眠嘆幽獨  
樓上寒更聲斷續飛蛾翩翩繞殘燭

泊舟夷陵

落日官船駐驛亭秋風城郭古夷陵秦燒舊土猶存黑

禹鑿高山半擁青  
萬里風波勞遠涉  
九霄雲路阻飛騰  
令人却憶文章守  
夜向西崑接夢靈



石倉歷代詩選卷三百二十八

欽定四庫全書

集部

石倉歷代詩選卷三百二十九至三十二

詳校官庶吉士龍廷槐

侍讀臣孫球覆勘

總校官進士臣朱

鈐

校對官編修臣盧

燾

謄錄監生臣馮

瑱

欽定四庫全書

石倉歷代詩選卷三百二十九

明 曹學佺 編

明詩初集四十九

華幼武

字彥清  
無錫人

次韻金別駕

世故忽云變豈意身及之出門復入門大道登巖巖  
旗捲風雨殺氣凌清夷遑遑失歸途遠避東海陸邑宰

吾舊戚留連琴水湄論文向春花酌酒刈夏葵悵然念  
鄉故撫景徒增悲譬彼諸草木榮瘁各有時善保伯牙  
琴終當逢子期永言敦舊好題詩寄相思

次朱子新韻

避難言子城潦倒無毀譽翩翩佳公子欣然兩相晤遂  
結忘年交惟恨來何暮因謀歸田計扁扁復東去回首  
望故鄉黃塵渺何處美人隔秋水文采珊瑚樹馳情若  
東流日夕不能駐憂來誦君詩忽爾滌煩慮何時覩聲

色青天捲雲霧

編籬曲

編竹籬密密編朝禦雞犬入暮防豺虎穿交加聯綿互  
相倚竹密藤纏堅莫比春風披拂百花開一片繁華如  
錦綺君不見西家有籬編不密夜夜驚呼防盜賊願言  
兄弟莫相疑明日齊心編竹籬

義兵行

風蕭蕭雨淒淒義兵起程行路迷腰刀手鎗耀光輝青

衫白帽行隊齊問渠遠行將何之官司召募征江西妻  
兒父母夾道啼我今與汝生別離生別離不得已在家  
出征同一死麥禾滿田穗將結皇天淫雨無時歇去年  
秋旱號飢寒今年夏麥不得殮生為淞西農死為江西  
卒回頭語妻兒何處收吾骨率土皆王民安敢辭苦役  
但愧扶犁手疇能用矛戟願得將相俱賢才掃除盜賊  
無纖埃義兵歸來舊田里賣刀買牛復生理

送三茆陳嗣師太虛還山

江南昔當全盛時君居虞山我梁溪相望百里如咫尺  
時獲言笑相追隨干戈滿地事非昨君住茆峰我漂泊  
十年旅食古長洲鑿井耕田傍城郭去冬避兵到琴川  
君亦歸來省墓田相逢一笑驚夢寐羨君飄逸真神仙  
神仙自有長生術顏如渥丹髻如漆凌風跨鶴上青天  
噓氣成雲飛霹靂是邦太守賢且慈天久不雨憂民飢  
請君默禱纔信宿飄翻馬鬣甘霖垂四郊沾足民悅懌  
太守徵詩頌君德願君歸去奏茆君為瀉銀河洗兵革

蒼生處處霑恩澤

和文壽看木香花有感

百舌無聲楚鳩老  
餘花漫爛爭春好  
江頭一夜風雨寒  
朱萼丹葩淨如掃  
三分春色水流東  
木香一架開天風  
翡翠褰帷玉為幄  
氣薰龍麝日融融  
芳芬翦綴瓊琚屑  
柔條偃蹇虬龍結  
石牀陰陰護碧雲  
瑤草紛紛墜香雪  
白玉洞為君開夢  
魂不到黃金臺興來呼酒對花飲  
醉豪搦筆書幽懷  
歌詩看花時已晚  
歎息流光逝無返  
何

如秉燭宴終宵落景從渠墜西嶽

揩痒馬歌

魏公畫法擅天下時向玉堂閒畫馬龍媒貌得五花驄  
放牧長秋沙苑中青絲暫解黃金鞅老樹槎牙恣揩痒  
霜蹄蹴踏尾蕭騷奮鬣嬌嘶肉屈強畫中神妙無人語  
直上曹韓不過許曹韓已矣魏公亡後來作者誰堪數  
君不見不惜千金市駿骨此圖世間為第一

早發漕湖

漕湖東南大星起灩灩虛明浸湖水長髯搖櫓遡風行  
浪花激船灑飛雨我時起坐推篷窗天地黯慘開鴻龐  
扶桑日出東海沸船頭絢耀珊瑚光迴風轉帆舟子喜  
一程唱歌三十里樓閣參差見城市

喜仲肅兄弟聯轡過訪

憶昨風塵際愁傷骨內心清時重聚首濁酒且開襟  
棣萼光還映鵲原誼更深底須辭暮雨相與對牀吟

宿蠡口

春風吹短棹迤邐望歸程楊柳溪邊戍旌旗野外城市  
橋人迹少官路馬蹄平欲過東湖宿邊烽止夜行

題洞虛宮童鍊師房

高士時相見孤軒水竹清積陰秋暑淨倒景暮霞明坐  
語俱忘倦行吟且放情向來酬俗倦隱逸愧莊生

過法喜寺

九里湖邊寺參差樓閣重空林初落月深殿已聞鐘門  
遶溪流靜橋分野色濃乍來生逸興遂欲削塵蹤

七夕戲占為子平先生悼亡

織女渡河秋文園生暮愁  
雙鴛慚比翼孤雁訴離儔  
有藥誰能曬攤書祇倦收  
無端虛幌月空照曝衣樓

題秋江送別圖

送客滄江曲其如別意何  
疎林秋日薄遠岫白雲多  
盡顧離筵酒寧煩鼓枻歌  
相思明月夜浩蕩隔煙波

雁來紅

百草將衰歇爛斑葉似花  
數聲雲過雁一片錦成霞  
翠

羽粘猩血丹砂煉日華誰將九秋色附足寄天涯

斑竹簾

湘妃淚灑碧琅玕剪織疎簾拭未乾細縷引風宜隔暑  
濕痕含雨欲生寒燈前照耀瑠璃潔月下欄斑玳瑁看  
直餘盡輸兵革用高堂舒卷莫摧殘

寄季充侄

華氏儒風久蕭索賴有汝輩張吾軍匡衡苦心不倦學  
陸機自小能為文詠歌溪上共明月倚杖江邊愁暮雲

竹林之遊遲亦得少年冠蓋今紛紛

和黃敬之見寄韻

卜鄰結屋瀼西村春入柴荆鳥雀喧  
高柳繞門元亮宅  
小桃臨水武陵源  
呼兄且種南山豆  
過客須傾北海樽  
叔度不來生鄙塞  
新詩吟就共誰論

芭蕉

窗外芭蕉映碧油  
翠綃成幄覆清幽  
從添夜雨蕭蕭響  
可愛晴雲冉冉浮  
學扇近人能却暑  
題詩留客不禁秋

高柯好護青青玉要使相輝竹外樓

百合

一枝高颭一花垂百葉如鱗取次齊玉蘂半含黃鵠味  
檀心初拆麝香臍未聞楚客留歌詠曾覩神農到品題  
簾幕幽閒護清馥肯教零落委沙泥

五月菊

幽姿本自傲秋霜却逐薰風滿選黃五日不知非九日  
端陽錯認是重陽紛紛似有炎涼態落落終存晚節香

想得淵明多嗜酒故尋醒客弔沅湘

白牡丹

金縷杯承白玉盤  
涓涓擎露出瑤壇  
微風捲幔霓裳舞  
皓月窺窗雪羽寒  
太潔不從脂粉汙  
孤芳寧許畫圖看  
沈香亭北繁華夢  
妖血于今洗未乾

題梅莊圖

聞說幽棲甃社湖  
只栽梅樹繞儲胥  
枝橫暮雪春回早  
香滿寒庭月上初  
五柳門前元亮宅  
百花潭北少陵居

歲寒心事清無比寫入丹青意有餘

寄飛卿

獨羨城南張隱士髭髭如雪腹便便青燈有子能傳業  
白日無人只醉眠溪郭畬田多種秫市橋鮭菜少論錢  
相思不得常相見擬共歸來樂暮年

寄陶德和

昔謁行軒君未歸虛勞枉駕事多非燕鴻無意偶相避  
雞黍有期寧敢違江上浮雲晴漠漠城南流水路依依

興來便欲乘舟去猶恐山陰晝掩扉

題陽山顧碧溪詩卷

聞說山中顧隱君幽居不與俗人羣  
愛看舞鶴護蒼蘚  
淨掃落花留白雲  
李愿已刊盤谷序  
穉圭休擬北山文  
一溪春水連天碧  
肯著孤舟載月明

寒食感懷

寒食維舟江上村  
臨風西望黯銷魂  
花將春色歸流水  
雲繫愁心入故園  
丘隴不知誰灑掃  
藤蘿應復閉晨昏

衰年尚作無家客只合當時住鹿門

和陸天游春暮感懷

江水淫淫日夜流江花點點亂鄉愁傷心白髮似春夢  
滿眼青山非舊遊三月韶華空對酒百年身世獨登樓  
不須俯仰懷今古一曲滄浪放釣舟

題天游畫

老龍駸駸隱雲間揮灑翰墨心神閒移來子真谷口樹  
寫出米家江上山峨峨翠巘遠能致渺渺丹梯高可攀

白雲深處有仙子為求大藥駐朱顏

黃葵

秋葵一種異尋常獨殿西風逞素粧細葉疎疎剪雞距  
輕葩淡淡染鸞黃含芳自有神仙態嗜潔不沾脂粉香  
若使嫦娥見顏色也應輸却白霓裳

紅白鳳仙花

飛仙駕鳳偶成羣亂舞丹霞躡素雲浥粉露華呈玉頰  
沾唇血色汙羅裙不隨桃李爭春艷却繞階除弄夕曛

爛漫只教兒女愛指間妝點錦成紋

七夕天陰

七香車子夜相過天上人間事若何雲意故憐懷抱惡  
不教揮淚見明河

題畫

春雲閣雨近清明一樹梨花剪玉英紫陌正堪同拾翠  
莫教枝上錦鳩明

題畫

霜柯起涼飈苔石帶寒雨一片林壑姿翛然不知暑

附倪峻詩

字維嶽無錫人號靜寄先生

送楊宗浩之青州

都門二月春彌漫柳絲拂地蒼煙團清樽高館與君會  
細風曉露生嫩寒君今奉命往何許云是傳經向東魯  
到時羣芳次第呈泮水芹宮杏花吐嗟余潦倒忝同門  
年來蹇滯無足論長安旅邸久寂寞慰我憐君似弟昆  
弟昆情深那忍別鴻鵠高飛異楚屢茲辰莫惜酒杯乾

後夜相思望明月

送王汝翼歸晉陵

官路雨新晴都門柳堪折送子歸故鄉情深詎能別  
驪駒止復歌酒酣耳雙熱悵望不可攀徘徊竚江月

秋日即事

遠客傷秋思虛堂獨掩扉牆陰鳴落葉窗隙漏斜暉  
感物題新句尋人補舊衣因思蘧伯玉簡點昔年非

送沈誠甫歸無錫

秦淮東望思依依一曲陽關送客歸吟愛曉風輕拂面  
行從春雨細霑衣山廚竹裏新筍熟溪館花邊紫蕨肥  
何日歸來同此樂醉眠芳草看雲飛

題畫

日斜雲斂樹毵毵天際青山露玉簪一棹歸來無長物  
清風明月滿天南

黃鸝

東風吹暖入金衣飛上垂楊第一枝自是遷喬為求友

肯忘幽谷並棲時

附倪敬詩

字子敬靜寄先生之孫

趙太祖蹴鞠圖

小苑垂楊弄晴碧萬幾餘暇同歡集錦毬交蹴往來頻  
落花流水春無迹君王奮袂張虬鬚宛似驪龍夜戲明  
月珠侍臣卻立一揮手仰拋紅日直上青雲衢宮靴撲  
簌騰香霧紫鳳翻身彩鸞舞星移斗轉經幾時回首月  
華過十五

過洞庭思范文正公岳陽樓記

長帆百里乘風舉巨浪茫茫灑荆楚自從混沌剖裂時  
勢與乾坤互吞吐孤城遙見是巴陵城上危樓猶數層  
江山都在闌干角懷古情深不忍登昔賢五色如杠筆  
倒捲銀河翻几席先憂後樂此時心萬古中天懸白日  
我亦江湖作遠遊寸心長繫百年憂三湘南去叫虞舜  
蒼梧日落雲悠悠平洲芳草齊如剪長吟不作騷人怨  
一聲風笛雁茫茫回首君山天際遠

題顧御史所藏梅花圖

我家遠在吳山住路入梅花最深處天香歲晚雪紛飛  
繞屋寒香千萬樹花時日日醉花邊酒醒長吟花下眠  
聽到翠禽啼斷處任教明月照青天自從游宦京華久  
夢繞花前與花後故鄉花發想依然何遜才華已非舊  
霜臺御史繡衣人藏得橫斜水影真一幅齊紈裁皎潔  
筆端渾是玉精神蕭蕭凍雨簷花落紙帳夜寒燈影薄  
恍然相對似還家春信依稀生綠萼綠萼春生日漸多

山中歸興尚蹉跎玉堂日賜宮壺酒其奈梅花似雪何  
何當催赴看花約莫待江天吹曉角詩成起向畫中題  
酒熟還思花下酌

送過廷章茂大

奉君蓬池之玉鱠郢水之香醪百金盤龍之寶劍五花  
翔鸞之翠袍男兒拂衣出門外壯志上薄蒼旻高幾年  
讀書在林壑相期事業夔與臯故人天上盡知己佇看  
鶚薦登青霄山中蘿月糾相抱夜半春禽啼寂寥

唐馬圖

厲精墜地雲氣黑龍媒貢自那耆國英風颯爽生天閑  
白玉鳴珂紫金勒石闌干外草茸茸一聲嘶斷落花風  
只今萬乘巡遊少立盡芭蕉日影紅

江南弄送張主事之南京

綠荷如茵刺煙素蘭蘋雨香眠白鷺青驪結駟天上來  
鴨嘴灘頭人喚渡槳聲軋軋水悠悠何處女郎歌棹謳  
雙鴛踏水不成浴飛向芙蓉別渚秋芙蓉別渚紅雲裏

十二樓臺倚天起五陵年少爭豪奢獨有郎官心似水  
送丘解元歸瓊州

柳絮吹香點客衣都門送別思依依三年射策期非晚  
此日寧親喜乍歸花謝驛亭春荏苒潮生江浦晚依微  
懸知視膳高堂上螽肉紅鮮海蛤肥

竹雪齋

翡翠枝頭粉作團凍雲高覆細琅玕水精簾外鳴瓊珮  
雲母窗前舞白鸞鶴氅光搖三徑曉洞簫聲散九天寒

主人勝賞敍紗帽酒力微時正倚欄

剪韭亭

種得嘉蔬近草堂園丁相報已堪嘗  
叢叢漫度黃金剪葉葉齊盛紫竹筐  
一握風絲隨手嫩千條露帶入廚香  
杜陵風味曾同賞雨夜悠悠入醉鄉

暮春有懷鄒洪遠

好客當年孰與倫吟樽滿滿貯芳春  
生憎繡幄花無語故倩雕籠鳥喚人  
歌扇雙揮金蛺蝶舞茵齊壓玉麒麟

鳳城回首韶光暮落絮遊絲別恨新

題牧牛圖

既飽原頭草還驅飲澗潄如何子民者不似牧童心

題竹奉寄詹寺丞先生

湘南萬里道何處更逢君無語倚修竹鷓鴣啼暮雲

寄李仲寧

一自攜書謁帝扉春山誰共拾靈芝蕭齋記得鷺湖上  
敲落燈花夜半棋

題雨竹圖

鷓鴣啼斷雨毵毵獨倚闌干酒半酣威鳳不來秋已老  
暮雲凝碧暗湘南

丁卯歲赴京會試宿在平驛夢為詩二句既覺  
足成一絕書之

銅鳬香冷起棲鴉疎雨閒庭落杏花記得夢中詩句好  
起來和月寫窗紗

題畫

溪雲靄靄樹團團  
溪上幽亭六月寒  
日暮看山人已去  
水禽飛上石闌干

附王達

字達善  
無錫人

精衛操

海之水兮靡可量  
余之怨兮既綿且長  
志殊苦兮力日傷  
西山木石有時盡  
海不枯兮愁不忘

前旌操

飛旌兮影單  
白刃兮光寒  
兄之去兮路漫漫  
弟之心兮

悲且酸天昭昭兮理實難兄生弟死兮心何安

後旌操

血湔湔兮載途嗟吾弟兮何辜弟之死兮實為吾不死  
兮心愧諸失親所愛兮兒罪當誅

梁溪

微波皺綠迴輕風溪流直與南湖通人家兩岸幾興廢  
鷗影蕭蕭夕照中孤橈欲發臨溪口澹煙寂歷明疎柳  
水清月落正愁人鐘鳴況是僧歸後芙蓉隔溪十里多

白雲滿牕生薜蘿  
櫓聲咿軋剪寒月  
去去其如離思何  
送友從軍

煙浦綠迢迢  
離人酒易消  
路分京口樹  
帆渡月中潮  
夜靜聞清柝  
風寒試黑貂  
漢家方討虜  
好事霍嫖姚

送時生

積水遙天萬里情  
獨騎羸馬送君行  
荒涼故國雙親在  
牢落秋風一劍橫  
江上路侵巫峽樹  
鴈邊雲遶漢陽城  
孤舟別去還相憶  
後夜猿啼月正明

送茶陵劉槐庭

江雲漠漠路茫茫江上東風逐去航  
花落曉堤青草合雨晴春渚綠蒲香  
一聲鼓角來邊壘萬點羣峰接故鄉  
料得到家應有感舊栽松柏過人長

送僧歸石城

月照空山鶴在松夢中猶聽石城鐘  
今朝又向江頭別目斷孤雲意萬重

題子昂畫

闕下歸來覓釣舟  
黃金帶重雪盈頭  
鯉魚風起芙蓉落  
一縷絲懸玉鏡秋

附王紱

字孟端  
無錫人

寫竹寄贈顧教授祿謹中

秋聲起巫峽  
暝色迷湘渚  
悵望千里遙  
佳人渺何許  
幽期邈難值  
欲往復延佇  
中夜獨遐思  
西窗颯風雨

送楊德昂

我適桑乾歸君猶五溪去  
飄然若萍梗何由復相遇  
迢迢

迢江上山歷歷煙中樹後夜月明時相思渺何處

吳姬留客行

吳姬年少纔十六能抱琵琶唱新曲愁連山黛鎖青蛾  
汗透霞綃濕香玉問郎今去宿誰家郎須聽妾彈琵琶  
吳城有酒不肯住巴姬未必顏如花遲留那得情相與  
芳心一一絃中語空江霜落叫征鴻孤棹風高響秋雨  
須臾彷彿臨三湘切切哀猿堪斷腸巫陽雲暗楚臺曉  
故山不見關山長彈到胡笳少三拍郎心欲去何匆迫

挽郎不住郎過船滿江月色秋潮白

題漁樂圖

遙天雨歇明殘霞涼風颯颯吹蒹葭晚來隨處可棲泊  
五湖煙水皆吾家得魚且覓秦橋酒旋采溪毛雜菱藕  
除著沙鷗孰可親隔篷喚取鄰船叟生計年年一葉舟  
全家不識別離愁婦能斫鱸兒行盞一笛橫吹萬里秋

送張知縣

作宰麻陽去民風雜五溪世傳槃瓠後山接夜郎西臘

釀多滕酒春禽半竹雞到官應有便莫惜寄緘題

送魯府黃紀善歸莆田

送別秦淮上春潮沒淺沙寸心應戀闕千里暫還家客  
路多芳草都門正落花徵書看又起未必久煙霞

登劍臺望京華作

一上高臺首重回五雲何處是蓬萊帆隨鴈影天邊去  
人共春光日下來淮甸煙消平似掌河流冰泮碧於苔  
翠華行幸應非遠佳氣氤氲繞上台

題畫

汀洲潮落雨初晴  
獨坐蘭舟酒半醒  
欲采芙蓉過江去  
迢迢秋水數峰青

題竹

宮樹棲鴉拜夕郎  
洞門煙靄竹蒼蒼  
珮聲搖曳歸來晚  
香篆初消月到牀

石倉歷代詩選卷三百二十九

欽定四庫全書

石倉歷代詩選卷三百三十

明 曹學佺 編

明詩初集五十

朱經 字仲誼

題蘆花散人小像

朔雲化石忽五彩石也能言泣真宰玉堂調笑辭金魚  
月冷西湖醉魂在風流憶爾承平時接離倒著驢倒騎

仙遊何處驚墮影秋空冥冥如見之黃鶴飛鳴杳無跡  
西風滿地蘆花白玉龍吹斷不可招空掩畫圖三歎息

題畫梅

疎煙小暈生瑤島仙鑑星明試粧早雲母屏風曉日寒  
玉龍嘶天春不老憶昔相逢萼綠君別來珠珮留蒼雲  
素鸞驚舞月破碎瓊臺歌斷音紛紛靈鏡解點玄霜汁  
粉靨冰花照人濕返魂竟失篋中香翠羽悲啼聲轉急  
紛吾欲下巫陽招楚騷遺恨湘川遙書憑鳳女雙飛翼

淚掩鮫妃一尺綃

題澄碧樓

燕入雨侵簾鷗栖月近簷白紆三泖曲青隱九峰尖  
夏簟風漪展春醪雪乳拈元龍憐遠客高臥想無嫌

題唐伯剛貫月軒

使君文采歛翩翩投檄歸來志浩然新構鳳麟洲上屋  
却如書畫米家船干將破壁龍俱化脈望飛空蠹亦仙  
更試囊中五色筆桂花香露灑銀箋

奉同謝雪坡次韻楊孟載

紫薇花下月波涼  
謝傳風流錦作裳  
況有鳳團新賜茗  
猶餘雞舌舊含香  
仙槎杳杳秋無際  
官漏沈沈夜未央  
答贈揚雄詩句好  
野人傳誦下吳航

走馬燈

清時何事及宵征  
人馬蕭蕭夜向明  
歷塊風前微有影  
銜枚月底寂無聲  
一身轉戰三千里  
數騎看為百萬兵  
待得燒燈佳節過  
烽煙永息賀昇平

題蘭亭長詠圖

蘭亭已榛委衣冠非昔年吁嗟觴詠樂猶託畫圖傳

題映雪圖

夜雪明書几寒風入緼袍如何燒鳳蠟只解醉羊羔

三友圖

冰雪淡相看心期許歲寒莫同桃李伴容易及春殘

呂德叔小小齋

齋居不自大容此眇然身汎覽乾坤內俱為逆旅人

題畫

隱者山林得靜便松風不動興悠然竟將塵事拋身外  
只許泉聲到耳邊

題桃花白頭翁

前度劉郎阻勝遊漫歌風雨替花愁自憐人與春俱老  
底事幽禽也白頭

題桂花十二紅便面

金粟枝頭十二紅何年飛向廣寒宮素娥只愛青鸞舞

且近瓊樓立晚風

題紈扇美人

蝶粉蜂黃滿眼新  
小園微步不勝春  
白團欲把歌唇掩  
生怕流鶯也妬人

題絡緯圖

牽牛風露滿籬根  
淡月疎星夜未分  
燈下有人挑錦字  
機絲零亂不成文

附王洪詩

字希範仁和人  
翰林院修撰

擬劉公幹

園林多佳木秀氣何蒼蒼石梁冠崇阿綠水流方塘行  
樂在良夜飛蓋復翱翔涼風振華纓明月揚其光清池  
散芙蓉秋蘭一何芳君侯壯思發逸藻凌風揚小臣信  
愚劣狂歌安所詳

擬陶彭澤

我家南山下前有嘉樹林好鳥鳴其顛涼風吹衣襟汎  
此樽中酒撫我膝上琴禾黍亦已繁桑麻藹餘陰如此

良易足勞生非所任

湖上行

湖上昨夜江水生湖頭嗷嗷鴻雁鳴人家遠近湖上住  
有水可漁田可耕去年種禾湖水北一家大小多得食  
今年種麥曾賽神一畝占收三兩石門臨官路人往來  
無事莫教門早開牛羊鷺鴨散平野日暮不收常自回  
大兒已長當門戶小兒十歲能搖櫓婦人終日坐篷窗  
補却魚網縫衣裳衣食寧論厚與薄人生無如生處樂

送金生歸江南

朔雲千萬里歸興復如何  
鴻雁雨中去薰葭霜後多人  
煙投遠戍驛路出長河  
惆悵東橋別涼風起夕波

舟中雜興

故國徧芳草高臺多大風  
河山千古在登眺幾人同  
野澤鳴山雉荒陂起塞鴻  
新豐不可見煙樹五陵東

其二

曠野杳無際孤舟齊魯間  
河流東下險天氣北來寒  
古

道蒼煙迥長亭落照閒微茫雲水外一點是梁山

送陳員外子魯使西番

劍騎翩翩出武威關河秋色照戎衣輪臺霜滿逢人少  
蒲海天空見雁稀蕃部牛羊沙際沒羌民煙水磧中微  
茲行總為宣恩澤不帶蒲萄首肯歸

平顯

字仲微  
錢唐人

光霽堂

碧雞翠冥濛夕影倒滇水月出金馬東徘徊白雲裏美

峻堂既崇典，喧塵不起書。籤承朝旭，琴露濕烏几。

其二

我公黔寧嗣，世濟忠孝美。容光照隙罅，罅罅於焉燭。斯理悵望珠履榮，老客思未已。何當駕長風，一遡秋萬里。

喜曾翰林奉使交趾回二首

日月無私照，乾坤有至仁。玉堂徵使者，銅柱勞王臣。星入龍編野，風清蜚海塵。歸來公事了，黃閣重絲綸。

北極奎章煥，南交使者歸。雕題瞻禮樂，象齒貢京畿。聽

漏趨青瑣停驂解繡衣上林春色好官柳正依依

寄演此宗

秋風起江漢纖月在西南影落清湓水涼生白石龕唱  
酬疏筍氣屏去葛藤談未遂依禪寂徒驚雪滿簷

玉盤驪珠

玉盤驪珠何所名琵琶斲出滇陽城昆侖小鳳遏雲叫  
鷄雞拔筋寒水精千年紫檀作人語霹靂輓堂驚破柱  
黃河曲折走春冰白日簷牙墜秋雨老夫舊住西陵橋

聽此不覺神飄搖初疑鶯語蘇堤柳忽爾驟變錢唐潮  
鴻門夜斗紛然碎天遣鮫人泣清淚玫瑰火齊響鏐錚  
跳入空明唾壺內牂牁之山產白銅此材此藝真良工  
何當別作清廟器明時進入蓬萊宮

謝惠朱寅仲畫

滇之海子三百里天閼靈奇甲南紀環海羣峰秀而峙  
翠削芙蓉影秋水漸漸之石上砥平呼以玉案非虛名  
瑠璃凝滑夜光冷拂手可拾天邊星碧雞飛來據坤酉

散花金仙堪其首拱伏朝尊勢前後霧鬢煙鬟鬪妍醜  
荆關老死骨已枯誰能寫之為作圖癯然老瞠生東吳  
炯炯巖電雙清矚解衣盤礴運天巧笑舐霜毫眺清曉  
目擊心存明了了秋毫遠見孤白鳥掃素卷碧歸高堂  
上公寶玩怡清揚飛臺峭壁宛在望欲援南斗斟天漿  
彷彿飈梯幾千丈鐵杖鳴敲洞門敞分我蒼厓一幅雲  
老病醒然致蕭爽青林白屋晚可依淋漓滿壁恩光飛  
松花雲津久相待竟擬踏此漁舟歸

題水月亭卷

積陰之氣凝不流澄輝上薄蟾宮秋靈媧鍊雪補天罅  
六合幻一瑠璃漚漚光滉漾燭銀浦三山歷歷明可數  
寶奩開影出素娥桂露飛香灑黎母先生獨坐海上亭  
肝膽瑩若梅花冰初疑驪珠起甕社熟視坎德交金精  
六鼇伏穴不敢動天地無波一泓凍玉螺沆瀣漱玄津  
鐵網珊瑚注清夢紫鵬飛來翼垂雲藥成兔鼎許見分  
先生跨鵬擘雲去麻姑已約南溟君

次陳東之韻題夏珪溪山清遠卷

畫家粉墨尤精好賞鑒誰能察毫杪良由天質發自然  
慘淡經營信揮掃珪森父子鳴趙季丘壑胸襟氣深杳  
墨捲波濤滄海立筆縮煙雲天地小冥搜遠寄作此圖  
繹思通靈古來少東南四萬八千丈玉室璿臺勢傾倒  
北歸有客懷故鄉悵望清猿與幽鳥空悲白髮歲年徂  
不得癡兒公事了神遊翠壁攬長蘿夢濯靈谿藉纖草  
金庭之魂可些招應躡玄蹤追二老

憶滇春

顰金螺貝馬蹄鹽萬井高甍截畫簷比屋絃歌春皞皞  
籠街燈火夜厭厭風花獻媚熏青眼雪絮飛香點紫髯  
記得賦詩滇海上硯池波蘸碧雞尖

謝寄符

百道仙符下武當電光隨繞讀書堂詩魔懼挾文窮遁  
酒聖靈驅瘴鬼藏墨汁潤分瑤草色篆文清帶榔花香  
壁琴自此如神助長覺風霆響洞房

題黃鶴山人王叔明畫

我昔見之湖上居，當門萬朶翠芙蓉。  
承平公子有故態，文敏外孫多異書。  
閒吮彩毫消白日，夢騎黃鶴上清虛。  
此圖定倚吳山閣，醉點南屏春雨餘。

題丁野夫畫

野夫已沒四十載，化鶴歸來知是非。  
郭外梅村更地主，筆端松石見天機。  
一時好手不可遇，千古賞音如此稀。  
長憶西湖舊遊處，畫船清雨白鷗飛。

王永真竹居

王維世有竹里館青士滿庭如植麻  
掃蟻斷根移客榻  
瘞猫分笋過鄰家  
琴聲響度偏諧律  
鶴夢醒餘或煮茶  
清曉屢研枝上露  
坐看兒子寫梅花

釣絲風

不隨紅雨畫欄春  
長趁漁簑起白蘋  
晴拂太虛雲影亂  
暝牽波底月鉤新  
漂搖萍葉沈香餌  
勾引蘆花落醉裯  
莫笑扁舟湖海窄  
一竿吹盡利名塵

謝羶衫

新染滇波色未乾  
毳茸香絮暖成團  
行春不濕杏花雨  
踏雪可衝梅信寒  
捲霧遠來天  
萬里壓風高  
臥日三竿  
客過坐席真溫厚  
獨愧才名亞冷官

送陳孟顥先生歸鄞

小舸乘春指四明  
落花新水到西亭  
豹歸霧谷深藏彩  
鶴倚風巢細刷翎  
芳餌再投東海釣  
草堂無愧北山靈  
老龜摺得藜牀穩  
臥看芙蓉萬朶青

奉國公大人

路入分笳是傘員夢迷銅柱瘴雲邊鐵衣觸暑應三捷  
綵仗鞭春又一年公子上京婚閥閱將軍南海戰樓船  
好音計待朝天使定及新正進表箋

次韻春日京華

霽雪初融上苑花蓬萊佳氣曉成霞白頭擬獻河清頌  
四海車書正一家

次韻舟中

鐵軸樓船發禁堤  
峭帆高矗與雲齊  
芙蓉菡萏秋江上  
看盡天葩錦萬機

題士女

周南聲教美洋洋  
比屋絃歌窈窕章  
一點蕙心清若水  
綠陰欄檻畫薰香

施敬

字孟莊  
錢唐人

貧樂軒

長卷束牛腰  
簞瓢繫牛角  
讀書深樹中  
不知山日落  
飲

水自知味采芝每盈握經世豈無心迂疎愧才薄白雲  
渺在望幽興入遠壑浩歌歸去來空齋有薇藿

送姚臨湘舜絃

沙頭一樽酒含悽強言笑欲賦送君詩情深不能道蒼  
茫波上日杳渺煙中棹望眼與江流悠悠接雲嶠

送性泉吳文學東還

結歡未云久詎盡平生語執手臨路隅離觴聊一舉殘  
鐘草堂夕落雁蘆洲雨相憶渺天涯深悰若為處

題梅德芳杏林圖

梅仙煉丹處山杏栽無數賣藥到人間衣裳帶紅霧花  
開不知歲子落還成樹我欲與之言飄然騎虎去

送人還廣陵

會晤情方洽睽違意更長天涯同是客秋杪各還鄉黃  
葉飛揚子青山繞夜郎分襟即萬里相顧兩茫茫

歸燕

已知秋社近更繞畫梁飛主意豈不念天時難獨違雙

歸遼海遠對語夕陽晞花雨重來日故巢還是非

次瞿塘峽

鑿鐵開青壁翻雲瀉素波古今流不盡造化意如何晚  
策天邊倚春帆地底過禹功不可問日暮獨長歌

怪木竹石圖

大星墜地光如日一夜海風吹作石精衛魂驚不敢窺  
留待媧皇補天極石傍老樹枯槎枒古藤屈曲懸條蛇  
鷗鵠踏翻黃竹葉翡翠啄破蒼苔花千年醜怪何人識

老剛胸次真奇特興來掀倒墨池波  
鬼跡神蹤不能匿  
生綃颼颼搖秋颼古色慘淡寒無姿  
天吳拔斷蛟龍尾  
月露洗出珊瑚枝張公好古耽清賞  
狂客題詩真技癢  
冥驅萬象入毫端便覺簫韶畫中響  
琅玕有寶石可棲  
赤霄靈翮來何遲按圖為君三歎息  
雷雨打門風捲席  
登碧雞山寄陸伯瞻劉子偉

碧雞山頂登臨處一片蒼煙迷海樹  
回首章臺若箇邊  
青天不盡山無數欲倩西風吹雁書  
拂雲遙寄故人居

書中草草無多字但道相思會面疎

寄浙江王氏得月樓

跨鶴仙人冰雪顏結樓冥坐月中閒  
笙聲夜響聞天外桂子秋香落座間  
斜日黃來漁浦樹隔江青度海門  
山西風滿抱登臨興攜酒何時一往還

寄伯瞻

別後悠悠渺所思使來渾不寄新詩  
雲林一去無多地風雨相違又許時  
茱萸綠深江路草枇杷黃盡客窗枝

多情惟有西齋月曾照清宵碧玉卮

沙津送客登望江亭

沙市津頭送歸客西風江樹數蟬鳴夕陽靄靄衆山暝  
秋水迢迢雙鷺明蔓草已無王粲宅亂雲長繞呂蒙營  
登臨不是攜樽酒若箇能平慷慨情

送譚孟端

靡蕪葉齊春水生故人欲歸傷我情草堂酒盡落花滿  
山驛馬嘶殘月明醉中執手不忍別路上逢人須寄聲

明朝相望隔闕塞惟見白雲天際橫

秋塘曲

蓮謝秋塘晚風來野水香采蓮休采葉留蓋睡鴛鴦

楚畹春風

楚畹消殘雪光風汎國香美人不可見春草徧沅湘

巴陽夜泊

獨棹三巴夜秋高片月孤灘聲將客夢萬里下東吳

塞上曲

八月秋高塞草斑將軍千騎獵前山彎弓不射南飛雁  
恐有征人附信還

南行途中寄錢塘親友

萬里移家入瘴煙故鄉音耗若為傳衡陽自古無來雁  
況去衡陽又八千

漕溪夜泊

空山孤驛鼓逢逢明月流輝滿大江水鳥夜寒棲不穩  
一雙飛影過篷窗

漁人

浪迹煙波薄利名釣舟長傍酒家橫  
白魚青菜桃花飯  
不識憂愁過一生

讀程原道昆陽詩悵然有懷

昆陽市上美人家飲酒曾停過客車  
萬里相思不相見  
東風吹盡蜜檀花

試筆

試筆山窗竹影涼閒臨小字換鵞章  
定巢燕子時飛過

帶得殘花落紙香

胡奎

字虛白  
海寧人

夢遊廬山

我有紫霞想夢遊匡廬峰仙人凌絕頂手掉金芙蓉  
芙蓉亭亭九天上疊嶂崩騰涌波浪五色雲中白鹿鳴五  
更海底金雞唱懸崖瀑布從天來足練倒界青天開高  
人自是陸修靜邀我石磴行莓苔九江秀色可攬結欲  
跨長鯨捉明月望斷蓬萊青鳥書琪花落盡無人折飛

身上挹香爐烟坐臥九疊屏風前翻然拜予招五老一笑彷彿三千年松風泠泠吹夢覺鶴背高寒露華落早知此境隔塵凡只合棲神向丘壑何人寫此江上山雲山與我心俱閒明當會碾飈輪去長謝時人竟不還

北上行

食蜜不知苦衣葛不知寒今晨出門去始知行路難驚飈吹斷蓬沙磧何漫漫羸馬縮如蜎霜花大如錢夜涉黃河凍舟行不得前君腸轆轤轉我腸車輪盤王事有

嚴程去去勿憚煩  
彎弧落旄頭飛箭定天山  
會賦饒歌曲論功萬里還

送徐千戶之甘州

春寒初試入羅袍  
不惜千金買寶刀  
馬援橐中無薏苡  
張騫槎上有葡萄  
崑崙西去黃河遠  
函谷東來紫氣高  
何事相逢又相別  
隴雲邊月夜勞勞

江邊柳

朝送木蘭船  
暮迎征馬鞭  
非關離別苦  
生長在江邊

周昉

字原亮  
新城人

寄楊子東

錢塘舊友知誰在萬里滇南見子東  
夜市鬪茶涼雨後晴湖載酒夕陽中  
龍梭織錦翻新樣虱繡縈絲記舊工  
不是吾儕不歸去六橋行盡草茸茸

寄素軒公

行馬縱橫禁謁時不干聲色尚文辭  
深藏結綠千金劍少試抽黃七字詩  
聚遠有樓堪縱目在官無事且開眉

欲知王謝人家樂  
霽月光風藹墨池

石倉歷代詩選卷三百三十